



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Petiti Philosophi & Doctoris Medici, Miscellanearum
Observationum Libri quatuor**

Petit, Pierre

Trajecti ad Rhenum, 1682

Cap. XXVIII. Vindicatur Virgilius a quorundam censura.

urn:nbn:de:hbz:466:1-13245

nō modo prīscis sacra fuisse habita, sed etiam quod Herculi sacra essent, vulgo existimatū fuisse. ita enim libro 12. in disputātione de voluptate: Ή διὰ τί τὰ θεοὶ μᾶλιστρα τὰ φαινόμενα ἐκ τῆς γῆς πάντα Ηρακλέος Φασὶν εἰναι ierā;

CAPUT XXVIII.

Vindicatur Virgilius a quorundam censura.

Numanus lib. 9. *Aeneid.* sic in Trojanos invehitur:

Non pudet obsidione iterum valloque teneri,

Bis capti Phryges, & morti pretendere muros:

& quæ sequuntur. Ibi Critici Maronem accusant, quod *bis captos* dixerit Phrygas, quos ter obfessos, & expugnatos fuisse constet. Nos (inquit Brodaeus lib. 4. *Miscell.* cap. 7.) non *bis tantum*, sed *ter captum*, *excisumque Ilium fuisse censemus*: primum ab Hercule, deinde ab Amazonibus, postremo a Gracis duce Agamemnone. Unde Theocritus in *Ara*, Τευχεῖδα τείποεθον vocat. Tum pluribus exemplis ostendit, non debere Poëtarum dicta ad exactam historiæ & veritatis normam exigi: in quibus & hunc locum profert. Sed profecto *Virgilius* tali defensione, hoc quidem loco, non eget. Ter Trojanam captam fuisse negari non potest: non tamen Maro ibi male *bis captos Phryges* Numanum istum dicere facit; qui scilicet non multo antea a Gracis victi sub Agamemnone fuissent: quæ altera Trojanorum clades, a prima quæ sub Hercule accedit, memoratur. Tametsi enim

Tρετζες Trojam primum ab Hercule, deinde ab Amazonibus; tertio ab Agamemnone expugnatam refert: quem Brodæus sequitur; non tamen auctores defuisse putandum est, & fortasse graviores, qui ejusdem civitatis eversionem ab exercitu Græcorum sub Agamemnone, secundam ab illa Herculea, quam primam fuisse convenit, dicerent. Primum scilicet Trojam captam fuisse ab Hercule ob equos Laomedontis: 2. ab Agamemnone inducto in urbem ligneo equo. 3. a Charidemo, cum equo in urbis ingressu prolapso, porte occludi non potuissent. quo ordine triplicem hujus civitatis calamitatem, ut magis vulgatam & certam Plutarchus in præfatione ad vitam Sertorii, in illa insimilium fortunæ eventuum inductione proponit his verbis: Εάλω δὲ τὸ Ἄλιον ὃ Ηρακλέους διὰ τὰς λαομέδοντος ἵππους, καὶ ὃ Ἀγαμέμνονος διὰ τὴν δύσεις προσαγορευθέντος ἵππος, τρίτον δὲ ὃ Ἀγιδήνος ταῖς πύλαις ἵππος τινὸς ἐμπέσοντος.

CAPUT XXIX.

Quo sensu Beatus Hieronymus, Ruffinum, Calphurnium lanarium appellet?

Hieronymi verba hæc sunt in *Apologia adversus Ruffinum*: Nam ut tibi sciolus esse videaris, & apud Calphurnianos discipulos doctrinæ gloriam teneas, totam mihi physicam opponis, &c. rursus in eadem *Apologia*: Nimurum iste est Sallustianus Calphurnius. Præterea in epistola quadam ad

San-